

Där du Bäärg umbruif

Ich bi uf dum Wägg
där du Bäärg umbruif
Schritt fär Schritt
im vollen Schnuif.

... und Schtraffla¹ ggumpunt, ritschgunt, surrunt

Im miär dri miis Häärz
ich gcheerus schämpar guät
Schlag fär Schlag
wiäs púmpüt chräftig ds Bluät.

... und Bräämä brummunt, schwirrunt, pfurrunt

„Chumm mid miär
und nimm där Ziit fär hiitu
Tritt fär Tritt
bin ich an diinär Siitu!“

... und Rappini wäärchunt, fleigunt, gwääggunt

Am Wägrand bliäjuts
Jänzina², Gibuisa³ und Gguggärschpiis⁴
Reija a Reija
Gad wiä im Paradiis.

... und Läärcha schweichunt, ggeiggunt, rääggunt

Us jungs Gemschi tanzut
uf där schläswu, chuälu Pletschu
Ggump uf Ggump
als weis Mateeji am letschtu.

... und Lammjini blääränt, schtotzänt⁵, beitung⁶

Uf dum Gletschär chrachuts luit
d Natuir, dii schpilld mid Macht
Chlapf uf Chlapf
Ob ächt daa där Herrgott lacht?

... und Giirini chreisunt, schpiänzlunt⁷, gleitung

Immär heejär geits
där du Bäärg umbruif
Preesa pär Preesa⁸
neejär zum Himmil uif.

... jertz gts gcheis Hirmä⁹ mee, gsich á du Priis!

Di ganzu Gschepfi
singund wiä im Choor
Juiz uf Juiz
Geid eim mächtig z Oor.

... Gloria in excelsis Deo, usoo teend Loob und Priis!

Hiä regiärut d eewig Liäbi
- dui weischt! -
Va Eewigheit zu Eewigheit
zischu Vattär und Sú, im Heiligu Geischt!

Amen

Worterklärungen

¹ Schtraffla, *Plural von Schtrafful Heuschrecke*

² Jänzina, *Purpur-Enzian*

³ Gibuisa, *Schafgarbe*

⁴ Gguggärschpiis, *Sauerklee*

⁵ schtotzänt, *von schtotzä starren*

⁶ beitung, *von beitu warten*

⁷ schpiänzlung, *von schpiänzlu spähen*

⁸ Preesa, *Wegabschnitt*

⁹ Hirmä, *von hirmä ausruhen*